



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

8. Christo serpenti salutari honore[m] esse deferendum.

**urn:nbn:de:hbz:466:1-45653**

ianocentes , sicut D. Paulo eontigit , atq; ijs euenit, qui ad theatrales bestias damnati vitam & sanguinem , pro Christo , effuderunt. Quamuis enim, non sine prodigioso innocentiae testimonio , vrsi , tigrides , ac leones ante multorum Sanctorum pedes procumbere visi sint; passus est tamen etiam quam plurimos insignes pietate viros Deus , in exemplum constantiae , in signum diuinæ charitatis omnia vincentis , in maiorem æternæ gloriae coronam, tanquam religionis suæ opimas victimas , ab eiusmodi belluis immanissimè lacerari. Temerarium est igitur , à casibus conscientias iudicare ; nec certum impietatis argumentum, sanie viperina perijss.

Alius quidam, atq; ille sanè facer *serpens* est , qui non Isidis simulachrum , sed sublime & Propheticum lignum Moysis saluberrimè coronauit ; quem meritò *in perniciem hominum natum esse negaueris*; nempe ille , qui de seipso dixit : *Sicut Moyses exaltauit serpentem, in deserto : ita exaltari oportet Filium hominis.*

A spidem comminiscabantur Ægyptij à probis abstinere, & idem de viperâ Melitenses falso crediderunt, cum de Paulo dicerent : *Vtio (Διων, Iustitia, quam Hesiodus Deam facit Louis & Themidis, alij Astræi, & Hemeræ, vel Auroræ filiam) non finit eum vivere.* Hic, hic noster , sine peccato, vt ille Moysis sine veneno, erga pios verè innoxius, immò salutifer *serpens*, eos, qui se vitæ tradunt sceleratæ , non sinit esse inultos. Quippe èa est prudentiâ , èa perspicuitate intellectus , vt exactissimè *bonum à malo discernat*; èa potestate , & æquitate , vt secundum ipsius iustitiae diuinæ Leges, *in malos animaduertat.* Qua de eausâ cum vates dixisset : *Ecce Virgo concipiet, & pariet Filum, & vocabitur nomen eius Emanuel;* mox addidit : *Butyrum & mel comedet, vt sciat reprobare malum, & eligere bonum:* idque non tantum in vitijs , quorum capax non est, eliminandis, virtutisque perfectissimè exercendâ ; sed etiam in ceteris mortalibus vicio virtutiue deditis acerrimè dijudicandis. Neque enim Pater iudicat quenquam : sed omne iudicium dedit Filio, ut *omnes honorificant Filium*, sicut honorificant Patrem.

Quod si ergo Ægyptij Thermuthidi detulerunt honorem facellorum, Numini falso , & vel hinc in superstitionem perniciose ; quid nos facere par est nostro pijs tam salutari, impijs tam metuendo serpenti? qui, ne in iudicium rei adduceremur, se ipsum passus est tolli in crucem, vt nos sanguinis sui theriacâ, à venena-

## VI.

Io. 3. 14.

## VII.

Hesiod. in Ergis.

Isaiæ. 7. 14.

Ioan. 5. 22.

## VIII.

to & pestifero antiqui serpantis morsu perthanaret? Gratissimum illi erit memoriae nostrae facillum, quin & utilissimum. Facile Iudicium euadunt, qui Iudicis nunquam obliuiscuntur.

## IX.

Multiplex porrò Iudicium est, quod Christus dedit. Primum in seipso, ut dixi, quia nemo hominum illo certius sciuit, reprobare malum & eligere bonum. S. Theresa voto se obstrinxit, semper id facere, quod melius esse iudicaret.. Idem noui & alios fecisse, qui tamen iudicio errare potuerunt, atque id melius existimare, quod reuera melius non esset. In Christo error non habuit locum; ita igitur malum sciuit reprobare, ut nunquam non eligeret bonum, idque ipsum, quod elegerat, meritò melius esse censeretur. Maria semel optimam partem elegisse dicitur; Christus omnia bene, immò optimè fecit. Quo in æquissimo Iudicio, paucos habet imitatores.

Luc. 10. 42.  
Marc. 7. 37.

S. Aug. tract  
44. in Ioan.

X.

Io. 9. 39.

Ioan. 3. 18.

XI.

Alterum Iudicium est, inter terram bonam & malam. In Iudicium ego in hunc mundum veni, inquit, ut qui non vident, videant, & qui vident, cecidi fiant. Id est, qui se putant videre, & medicum non querunt, in sua cæcitate permaneant. Et istam discretionem scilicet vocavit iudicium, cum dixit: In Iudicium ego in hunc mundum veni, &c. ait D. Augustinus.

Iudicat itaq; & discernit Christus probos pariter improbosque: probos, dum illis volentibus lumen affert, quo videant Iudicem, non numaria, sed incorrupta Iudicia constituentem; caueantque offendere terribilem Mundi Prætorem præuaricatores certissimè damnaturum; improbos autem, &, cum nihil rerum diuinarum sciant intelligantque, omnia tamen se scire arbitrantur, dum ipsa suā cæcitate eos damnat. Siquidem qui credit in eum, non iudicatur: qui autem non credit, iam iudicatus est, quia non credit in nomine unigeniti Filii Dei. Hoc est autem Iudicium: quia lux venit in mundum, & dilexerunt homines magis tenebras, quam lucem: erant enim opera eorum mala. Hoc secundum Dei hominis est Iudicium, quod iudicium simul indiciumque potest vocari: nam eo Iudicio indicavit, qui nam filij Dei, & filij lucis existant. Oriente sole, noctuæ & vespertilioes, illico diffugiunt, & in sua se se latibula recondunt. Non sustinent enim clarum diem oculi vitiosi. Aquilæ autem, quia putres & malignos oculos non habent, sed acie sunt firmâ, in ipsum etiam meridianū solem fixissimè intuentur. Quemadmodum igitur lux, inter aquilas & noctuas, quale sit discriminatio-